



VOTLENDIS
SJÓÐUR

Votlendissjóður
Árleyni 22
112 Reykjavík
votlendi@votlendi.is

Borgarráð

BT: Líf Magneudóttur, formanns Umhverfis- og heilbrigðisráðs

Reykjavík, 25. október 2021

Votlendissjóður óskar eftir samstarfi við Reykjavíkurborg um endurheimt votlendis í landi borgarinnar.

Loftlagssáætlun Reykjavíkurborgar 2021-2025 stefnir að kolefnishlutlausri borg, sett fram með 15 aðgerðaáætlunum m.a. er gert ráð fyrir endurheimt 60% af votlendi í landi Reykjavíkurborgar, en þær munu leiða af sér kolefnisbindingu.

Votlendissjóður býður fram sína þjónustu til að Reykjavíkurborg geti náð sínum markmiðum í endurheimt votlendis í landi borgarinnar. Kostnaður við endurheimt votlendis er alfarið hjá Votlendissjóði. Enginn kostnaður fellur á borgina.

Votlendissjóður og samstarfsaðilar (Landgræðsla ríkisins) mæla og meta losun jarðarinnar fyrir endurheimt og í kjölfar endurheimtar til staðfestingar á stöðvun koldíoxíð. Tilkynnir og vinnur skrásetningu framkvæmdarinnar til Landgræðslunnar sem sér um utan um hald endurheimtar á Íslandi fyrir umhverfisráðuneytið. Reykjavíkurborg fær allar upplýsingar um árangur endurheimt á votlendi. Votlendissjóðurinn annast vöktun á skilgreindu svæði í þrjú ár til að tryggja að framkvæmdirnar skili árangri. Sjóðurinn tekur út framkvæmdir í lok framkvæmda-tímabils sem staðfesta að votlendið hafi verið endurheimt í samræmi við verklýsingu.

Votlendissjóður á stöðvun gróðurhúsalofttegunda sem framkallast við framkvæmdina í átta ár frá verklokum endurheimtarinnar og nýtir og ráðstafar í sínu kolefnisbókhaldi. Þannig fjármagnar Votlendissjóður sínar framkvæmdir, vöktun og vottun. Að átta árum liðnum, flyst eign kolefnisstöðvunarinnar að fullu yfir til Reykjavíkurborgar. Borgin er þá frjálst, eftir því sem lög og reglur heimila hverju sinni að nýta sér stöðvunina til kolefnisjöfnunar á eigin starfsemi.

Reykjavíkurborg skuldbindur sig til að raska ekki svæði því sem endurheimt hefur verið að lágmarki í 10 ár frá gildistöku hans. Með raski er átt við framkvæmdir sem lækka vatnsstöðu svæðisins sem nokkru nemur. Landeigandi getur heimilað beit og almenna umferð á landinu eftir að votlendi hefur verið endurheimt. Breytist aðstæður hjá landeigenda og hann telji nauðsynlegt að ræsa fram hið samningsbundna land að hluta til eða öllu leyti, innan samningstíma, skuldbindur hann sig til, í samstarfi við Votlendissjóðinn, annað hvort að endurheimta sambærilegt flatarmál framræsts votlendis og það samningsbundna land sem raskað er, á sinn kostnað eða greiða Votlendissjóðnum fyrir að endurheimta sambærilegt flatarmál.

F.h. Votlendissjóðs



Einar Þór Bárðarson

Framkvæmdarstjóri

+ 354 618 9000

einarb@votlendi.is

Umhverfis- og heilbrigðisráð

Reykjavík 13. janúar 2022

Mál nr. US210319
USK2021120010

Bréf Votlendissjóðs vegna endurheimtar votlendis_ umsögn.

Vísað er í bréf Votlendissjóðs dags. 25. okt. 2021 þar sem óskað er eftir samstarfi um endurheimt votlendis í landi borgarinnar.

Votlendissjóður býðst til að framkvæma endurheimt votlendis á landi borgarinnar gegn því að sjóðurinn fái til ráðstöfunar andvirði stöðvunar á útlosun kolefnis í átta ár. Að átta árum liðnum getur Reykjavíkurborg fært áframhaldandi stöðvun í kolefnisbókhald sitt.

Votlendissjóður er í samstarfi við Landgræðsluna sem myndi mæla og meta losun. Vaktað yrði í þrjú ár eftir framkvæmdir til að fá fullvissu um að árangur hafi náðst.

Fram kemur að þrátt fyrir samning um endurheimt gæti landeigandi heimilað beit og almenna umferð um svæðið. Votlendissjóður er eini aðilinn hér á landi sem tekur að sér endurheimt votlendis og skráningu stöðvunar á útlosun sem nýtist í grænu bókhaldi. Því er heimilt að ganga beint til samninga við sjóðinn án undangengins innkaupaferlis, enda heildarkostnaður verkefnisins áætlaður vel undir viðmiðunarmörkum um útboð á EES.

Möguleg svæði til endurheimtar í eigu Reykjavíkurborgar er helst að finna á jörðunum Víðinesi á Álfsnesi og Arnarholti á Kjalarnesi. Þar eru í gildi leigusamningar um afnot fyrir beit sem þyrfti að endurskoða ef farið yrði í endurheimt.

Umsögn

Það er kostur fyrir Reykjavíkurborg að losna við kostnað og umstang við framkvæmd endurheimtar. Það er líka kostur að viðurkenndur fagaðili er samstarfsaðili, þ.e.

Landgræðslan, sem tryggir staðfestingu á árangri. Reikna má með að hægt sé að nýta landið að töluverðu leyti áfram til beitar.

Gjaldið er að Votlendissjóður fái að nýta andvirði stöðvun losunar í átta ár en Reykjavíkurborg eftir það.

Á skrifstofu umhverfisgæða lágu fyrir áform um að skoða svæði í landi Arnarholts með tilliti til endurheimtar og m.a. að hefja fuglatalningar til að geta metið árangur endurheimtar fyrir fuglalífið.

Lagt er til að samþykkt verði að skrifstofu umhverfisgæða verði falið að undirbúa samstarf eins og lýst er í erindi Votlendissjóðs, skilgreina svæði til endurheimtar og gera drög að samkomulagi sem síðan verði lagt fyrir umhverfis- og heilbrigðisráð.

Virðingarfyllst,

Þórólfur Jónsson
deildarstjóri náttúru og garða